



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

1. Dies Julii. Qui agunt, quod bonum est; ab illo aguntur, qui bonus est. S. August. de grat. Christi. c.25.

Nutzungsbedingungen

[urn:nbn:de:hbz:466:1-55659](#)

I. DIES JULII.

Qui agunt, quod bonum est; ab illo aguntur, qui bonus est. *S. August. de grat. Christi. c. 25.*

Boni na- I.
turae

Hactenus Malii indolem, genium, naturam, & quae ex Malo oriuntur, vitiorum linamenta graphicè expressimus; ut primum illud Davidici consilii membrum observaremus: (a) *Declina à malo.* Sequitur jamaliterum: *& fac bonum.* Speciosa hæc erit ut relatu; sic & lectu materia. Primum, hæc est omnibus communis lex: quod bonum sit appetendum; contra, malum fugiendum. At, quia bonum est in convenienti; & aliquod est proprium singulis speciebus, objectis potentias, potentissimis organa, utriusque certas actiones certis inclusas limitibus, sapiens natura contemperavit. Uniformis, est primi mobilis motus, omnes secum rapiens cœlos, singulis tamen Planetis, & octavæ Sphaeræ suus singularis est, quem nunquam desinente cursu à momento suæ creationis sequuti sunt, & in posterum sequentur. Sicut autem omnes cœli moventur à primo mobili; sic quisquis agit, quod bonum est; ab illo agitur, qui bonus est: ille, qui est summum Bonum, efficit, ut omnia appetant bonum: sed singulæ species suum. Jus est, & bonum, piscibus in aquis degere, avibus in aere; quadrupedibus, in terra.

(a) *Psal. 36. 27.*

II. A-

II. Amoris divini facunditatem ad extra, D. Dionysius (a) exprimit per circulum boni; qui à bono per bonum procedens ad extremum eorum, quæ existunt, in bonum revolvitur. Hoc boni si longè diffundentis progressu sit longa series graduum, qui à supremo, & illi vicinioribus sensim recedentes, tandem fiunt oppositi: sic inter diversos, diversissimi, Deus infinitus est circulus, in quo, quia nihil nisi infinitum, diameter, erit centrum, & circumferentia, omnis diversitas, identitas; omnis duratio, æternitas; omnis discretio, simplicitas; omnis motus quies; omnis inæqualitas, æqualitas; maximum, in quo concidit minimum; quia diversitas complicata, identitati complicanti non opponitur; omnia complicans, quia in eo omnia; omnia explicans, quia ipse in omnibus. Nullum itaque est magis alienum, aut publicum bonum, quam Bonitas; quia est omnium, & pro omnibus: quapropter Bonitas, est census publicus, alienum bonum. Res omnium, non sui solius patitur esse. Bonitas est, quæ sufficit sibi; immo est insuper, quæ sufficit omnibus. Parum adhuc dixi: non tantum est, quæ nullius eget; sed cuius omnia egent. Deo egemus, non tantum ut simus, sed ut bene simus.

III. Bona autem omnia hæc creata, quæ sunt extra summum Bonum; literæ sunt desuper ad nos missæ, in quibus, qui cæcus non est, legere poterit Bonitatem Dei. Quæcumque igitur, cœli, & terræ ambitu continentur; quæcumque à summo Opifice vel dantur, vel auferuntur; literæ sunt, quæ nos vel à vitiis extrahunt, vel ad virtutes trahunt; vel terrendo

(a) *De divin. Nom. c. 4.*

lendo monent, vel monendo frœnant, vel frœnando retrahunt à malo, vel retrahendo à malo urgent, incitant, impellunt ad omnia bona. Quid igitur facilius, quam facere bonum? Hic tantum adhibenda est cautela, ne confundamus bona, & mala. Anxia res est humorum conditio honorum; & quæ nunquam vel tota proveniat, vel nunquam perpetuò claret; inest singulis, quod inexpertus ignoret, expertus horreat. Nihil mortalibus bonis, est immortale, volvunt humana vices crebræ, & omnium rerum fuga sit. Videre licet magna gaudia ex insignibus malis; & immensa mala ex ingentibus gaudiis. Quid stupes? Hæc est inferiorum conditio, sic ad tempus quiescere, sic moveri, pompa est; ostenduntur istæ res, non possidentur; dum placent, transeunt. Cum igitur hæc sit mortalibus hujus vitæ sors; ut mala bonis, zizania tritico; lolia liliis, modesta lætis; tineæ floribus intermixeantur: unum superest remedium, separare pretiosum à vili, mundum ab emundo, lucem à tenebris, bona à malis. In quo negotio, nostra posthac sudabit industria, cum juxta Poëtam:

Sunt bona mixta malis; sunt mala mixta bonis.

2. DIES JULII.

Quidquid magnum sub Deo, illud minus est Virgine. *S. Anselm. de Excel. B.V.*